



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0026757 25
Sarajevo, 29.01.2026. godine

SUD BOSNE I HERCEGOVINE
SARAJEVO
Sudiji za prethodno saslušanje

Na osnovu člana 35. stav 1. i 2. tačka i) i 226. i 227. Zakona o krivičnom postupku Bosne i Hercegovine, p o d i ž e m :

OPTUŽNICU

Miroslav Kraljević zv. „Mićo“, rođen 1968. godine u općini Kladanj, državljanin Bosne i Hercegovine i R Srbije.

Što je:

Dana 09.03.2025. godine u Vlasenici, u prostorijama JU „Kulturni centar“ Vlasenica, na adresi ... Vlasenica, prilikom obilježavanja 32. godine od pogibije 15 (petnaest) boraca derventske 327. motorizovane brigade Vojske Republike Srpske- Vlasenica, u Vlasenici, svjestan zabranjenosti radnji, dao izjavu za medije u svojstvu načelnika Općine Vlasenica, sljedećeg sadržaja: „...Također, veliko poštovanje svim onima koji su tada bili na čelu vojske, na čelu države gospodinu Radovanu Karadžiću, predsjedniku Republike Srpske, Ratku Mladiću i svim komandirima, komandantima i svim onima koji su dali živote za Republiku Srpsku. Veliko poštovanje i slavna imena moramo pominjati, veličati svugdje i to smo mi, to je naša realnost. Svi smo mi Radovani!...“ , koja izjava je dostupna na korisničkom profilu ... na internet servisu za razmjenu video zapisa „YouTube“ na linku: ..., koji video je pregledan do dana ... 2025. godine 836 puta, a vijest o datoj izjavi lica Miroslav Kraljević sa video zapisima objavljena je i na portalima „{...}“ i profilima na društvenoj mreži „ Facebook“ i to: na profilu ... sa 524 komentara, 365 reakcija i 56.000 pregleda, na profilu ... sa 68 komentara, 55 reakcija i 8.000 pregleda, na portalu ... sa 58 komentara, 73 reakcije i 5.100 pregleda, znajući da veliča osobe Radovan Karadžić i Ratko Mladić, koji su pravomoćnim presudama osuđeni pred Međunarodnim krivičnim sudom za bivšu Jugoslaviju u Den Haag-u u predmetima protiv Radovana Karadžića (IT-95-5/18; MICT-13-55-A), i Ratka Mladića (IT-09-92-T; MICT-13-56-A), a u kojim predmetima su donesene pravomoćne

presude za genocid, zločine protiv čovječnosti i ratne zločine, počinjene i na području Općine Vlasenica, a koja činjenica je utvrđena u presudi Radovan Karadžić IT-95-5/18 u TOM-u I tačka IV- viii i u presudi Ratko Mladić IT-09-92-T u TOM- u I tačka IV-4.14. te svjestan da takvo njegovo postupanje može prouzrokovati nacionalnu, vjersku mržnju, razdor i netrpeljivost, što je i htio, a koja izjava je izazvala uznemirenost i strah dijela stanovnika na tom području bošnjačke nacionalnosti, kao i kod drugih stanovnika BiH obzirom na njihova saznanja o stradanju civila bošnjačke nacionalnosti u prethodnom ratu u BiH u kojoj i sad žive i učešću Ratka Mladića i Radovana Karadžića u istim, među kojima i kod „{...}“.

Dakle, veličao osobe koja su osuđena pravomoćnim presudama Međunarodnog krivičnog suda za bivšu Jugoslaviju za krivična djela genocida, zločina protiv čovječnosti i ratne zločine.

Čime je, počinio krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a stav 6. Krivičnog zakona Bosne i Hercegovine.

T U Ž I L A C
TUŽILAŠTVA/ TUŽITELJSTVA BiH